



UNIVERSITÄTS-  
BIBLIOTHEK  
PADERBORN

**Ethicæ Doctrinæ Elementa, Et Enarratio Libri quinti  
Ethicorum**

**Melanchthon, Philipp**

**Witebergæ, 1583**

**VD16 ZV 20638**

Non Qvælibet Exempla Patrum imitari licere.

---

---

**Nutzungsbedingungen**

[urn:nbn:de:hbz:466:1-56560](https://nbn-resolving.org/urn:nbn:de:hbz:466:1-56560)

sari illud exemplum potest, propter mortem prioris ante nuptias, sed tamen non est imitandum.

NON QUÆLIBET EXEMPLA Patrum imitari licere.

Hæc ideo collegimus, ut intelligi possit, quæ connubia concessa sint. Non enim licet quælibet exempla patrum imitari, ut Iacob. Non concedendum est, ut aliquis ducat sororem mortuae sororis, nec licet allegare post promulgatam legem, & contra verbum Dei iam nobis propositum, piorum patrum facta. Nam propter exempla non est discedendum ab expresso verbo Dei, nec opus est disputare de excusatione patrum, etiamsi quid vitij fuit in aliquorum connubijs. Etsi fuit excellens virtus Abrahæ, Iacob, Davidis, & aliorum Patrum & Prophetarum, qui aut cognatas, aut plures coniuges simul habuerunt, tamen non existimemus nullos in eis nequos fuisse. Fuit robustissima natura patrum ante diluuium, & ut vires corporis magnæ fuerunt, ita sapientiam fuisse eximiam, non dubium est, & id ostendit artium inuentio, quæ illius aurea ætatis sagacitate repertæ, & posteris monstratæ sunt. Norant autem pij Patres concionem in Paradiso traditam: Erunt duo in carne una, quo dicto matrimonium definitur, & sancitur esse



inseparabilis coniunctio duorum, id est, unius  
 maris & unius feminae. Quod enim dicitur:  
 Erunt duo in carne una, sancit, ut sit una caro,  
 & sit, iuncti inseparabiliter, & talia fuisse con-  
 iugia priorum Patrum ante diluuium, non du-  
 bito. Imo pii intelligebant hoc dicto damnari à  
 Deo vagas libidines. Sed impij hoc frenum non  
 passi, quare vagæ libidines inter causas di-  
 cam recensentur.

Ac post diluuium, etsi mansit magna vir-  
 tus patrum, ut Abrahamæ, tamen cum iam plus  
 confusio esset in moribus, essent crebra di-  
 scordia, & unus simul multas coniuges duceret,  
 nulla vitiosa consuetudine etiam sancti patres  
 veterem languidius custodierunt. Sed  
 in verbo Dei regamus vitam & mores, non  
 quibuslibet exemplis. Verbum Dei in Leuitico  
 clare affirmat, à Deo damnatas esse incestas con-  
 iunctiones, videlicet, coniunctiones in primo &  
 secundo gradu lineæ inæqualis. Quare non licet  
 imitari exemplum Iacob, quem vel ignorantia  
 excusat, vel aliqua diuina reuelatio. Non imi-  
 temur patrum neuos, vel ambigua facta sed vir-  
 tutes, quas Deus in eis clarè approbat, quod ver-  
 bum Dei certis testimonijs diuinis acceptum, au-  
 debant, amplectebantur fide, propagabant,  
 DEVM verè inuocabant, damnabant I-  
 dola, sustinebant magnas arumnas & cer-  
 tamina



tamina propter doctrinae verae propagationem,  
 erant iusti erga homines in contractibus, & in ci-  
 uilibus vitæ officijs, non rapiebant aliorum con-  
 iuges, non polluebant filias cuiusquam, timebant  
 Deum, & non petulanter contra conscientiam  
 violabāt mandata Dei. Tales cum essent, tamen  
 si quas sordes propter contagia seculi habuerunt,  
 tamen quia lucebant in eis fides, vera inuocatio,  
 bona conscientia, aliqui eis neui condonati sunt,  
 cum crederent se placere Deo per misericordiam  
 propter venturum semen: Ita & nobis multi ne-  
 ui condonantur, qui oriuntur à contagijs tempo-  
 rum ac gentium. Sed interim discamus virtutes  
 patrum imitari, congruentes cum mandatis  
 Dei, vt dictum est. Repetita est vox in  
 Euangelio: Erunt duo in carne vna,  
 quæ reuocat nos ad primam &  
 pulcherrimam coniunctio-  
 nem vnus maris &  
 vnus femina.

**F I N I S.**